

## Sgôp Digartrefedd

### Cefndir

Cyflwynwyd adroddiad i'r Pwyllgor Craffu Cymunedau ar 14 Mai 2013 ar Hostel Noddfa Deiniolen; gwnaethpwyd cais am yr adroddiad yn dilyn digwyddiad y tu allan i eiddo preifat yn ymwneud a pherson a oedd yn preswyllo yn Hostel Noddfa.

Yn sgil trafodaethau a gynhaliwyd ar y mater yn y Pwyllgor Craffu Cymunedau ar 14 Mai 2013, yn y Cyfarfod Paratoi ar 5 Mehefin 2013 ac fel maes blaenroaieth yng Ngweithdy Blyneddol Pwyllgor Craffu Cymunedau (13.5.14) cymeradwywyd y bwriad o gynnal Ymchwiliad Craffu

Mae Hostel Noddfa, Deiniolen yn faes rhy gyfyng ar gyfer cynnal ymchwiliad craffu, ac o ganlyniad, bydd yr ymchwiliad craffu yn edrych yn ehangach ar holl ddarpariaeth argyfwng yr Awdurdod i bobl ddigartref.

### Pwrpas yr Ymchwiliad

Bydd yr Ymchwiliad yn anelu i ateb y prif gwestiynau a ganlyn;

- Beth yw patrwm darpariaeth yr Awdurdod a'r partneriaid yn ei gyfanrwydd ar gyfer pobl ddigartref yng Ngwynedd?
- Pa mor addas yw darpariaeth yr Awdurdod a'r partneriaid i bobl ddigartref;
  - Teuluoedd
  - Merched
  - Pobl ifanc
  - Dynion sengl
- A yw darpariaeth ar gyfer pobl ddigartref yn cwrdd ag anghenion y defnyddiwr?
- Pa mor hygyrch yw'r darpariaethau i'r defnyddiwr ac a oes mynediad rhwydd at wasanaethau allweddol eraill?
- A yw'r ddarpariaeth ar gyfer pobl ddigartref yn gost effeithlon ac yn gynaliadwy?
- A yw'r ddarpariaeth bresennol yn ddigonol i gwrdd â'r cynnydd tebygol yn nifer y digartref yn sgil y dirwasgiad presennol a'r diwygiadau yn y gyfundrefn les?
- Beth yw rôl partneriaid i ddarparu ar gyfer pobl ddigartref?
- A oes ystyriaeth yn cael ei roi i leoliad y ddarpariaeth, hynny yw, addasrwydd yr hosteli ar sail y gwasanaethau sydd ar gae?!
- A oes ystyriaeth yn cael ei roi i gefndiroedd yr unigolion sydd yn aros yno? Beth yw'r broses cyflwyno?
- A yw'r ddarpariaeth yn ymateb i ddigartrefedd lleol?

### Effaith

Os byddwn yn llwyddiannus, bydd yr Ymchwiliad Craffu yn:

- Llunio argymhellion clir yn seiliedig ar dystiolaeth er ystyriaeth gan yr Aelod Cabinet
- Rhoi ystyriaeth briodol i unrhyw rwystrau a sut i'w datrys

### Cyfnod yr ymchwiliad

Cyflwyno sgôp drafft	04.09.2014
Cadarnhau Aelodaeth	01.10.2014
Cychwyn yr Ymchwiliad	Rhagfyr 2014
Diwedd yr Ymchwiliad	Mai 2014
Adroddiad i sylw'r Pwyllgor Craffu Cymunedau	Mehefin 2014
Adroddiad oddi wrth Craffu at y Weithrediaeth	Gorffennaf 2014

## Rhaglen

Amlinelliad o'r prif gamau a chyfarfodydd

Bydd gofyn i'r Aelodau wneud gwaith ychwanegol rhwng y cyfarfodydd

1	Cyflwyniad gan yr Aelod Cabinet a swyddogion perthnasol
2	Nodiadau Briffio'r Aelodau gan Swyddogion Craffu: <ul style="list-style-type: none"><li>• Cyllidebau</li><li>• Eiddo</li><li>• Canlyniadau Perfformiad</li><li>• Proffiliau Defnyddwyr</li><li>• Deddfwriaeth berthnasol</li><li>• Canlyniad ymgynghori</li><li>• Crynodeb o unrhyw adroddiadau archwilio mewnol ac allanol</li><li>• Cyswllt gyda'r Strategaeth Gymunedol</li><li>• Cyswllt gyda Chynllun Strategol y Cyngor</li><li>• Cynllunio / strategaethau / polisiâu perthnasol</li><li>• Enghreifftiau o ddarpariaeth mewn ardaloedd eraill</li></ul>
3	Sesiwn Gynllunio Ystyried y sefyllfa a pha gamau i'w cymryd nesaf
4	Casglu sylwadau gan staff gweithredol perthnasol y Cyngor a phartneriaid allweddol allanol
5	Casglu sylwadau gan <ul style="list-style-type: none"><li>• Arbenigwyr / Asiantaethau e.e, Shelter Cymru</li><li>• Defnyddwyr</li><li>• Trigolion</li></ul>
6	Sesiwn gynllunio Ystyried y wybodaeth a gafwyd hyd yma a chynllunio gweddill y rhaglen waith
7	Trefnu ymweliad ag ardal arall os yn briodol
8	Sesiwn Cwestiynu <ul style="list-style-type: none"><li>• Aelod Cabinet John Wyn Williams</li><li>• Pennaeth Tai, Gwasanaethau Cymdeithasol a Hamdden</li></ul>
9	Dadansoddiad <ul style="list-style-type: none"><li>• Ystyried a chrynhofi'r wybodaeth a phrofiadau</li><li>• Cwestiynu'r Aelod ymhellach os oes angen</li></ul>
10	Pwyllgor Craffu i ystyried yr adroddiad drafft ar argymhellion